



Ebu Aiša (Oče Aišin), svako ko bi raspravljaо makar i o jednom od tri sljedeća pitanja, izrekao bi veliku laž protiv Allaha.

Pripovijedao je Mesruk da je bio naslonjen kod Aiše, pa je ona kazala: "Ebu Aiša, svako ko bi raspravljaо makar i o jednom od tri sljedeća pitanja, izrekao bi veliku laž protiv Allaha. 'Koja su to pitanja?', zaintresiraše se on. 'Ako bi neko ustvrdio da je Muhammed, sallallahu alejhi ve sellem, video Allaha Uzvišenog, izrekao bi protiv Allaha veliku laž.' Bijah naslonjen te se uspravih i priupitah je: 'Majko vjernika, objasni mi polahko i ne žuri! Zar Allah Uzvišeni, nije kazao: 'On ga je na obzoru jasnom video' (et-Tekvir, 23), i kazao je: 'On ga je i drugi put video' (en-Nedžm, 13)!?' Aiša je kazala: 'Ja sam prva osoba ovog umeta koja je o tome pitala Allahovog Poslanika, i on mi je odgovorio: 'To je doista Džibril, koga ja nisam, u njegovom prirodnom obliku, video više od ta dva puta. Video sam ga dok se spuštao s nebesa, ispunjavajući svojom veličinom prostor između nebesa i Zemlje.' Potom mi se obratila riječima: 'Zar nisi čuo za Allahove riječi: 'Pogledi do Njega ne mogu doprijeti a On do pogleda dopire; On je milostiv i upućen u sve' (el-En'am, 103). Zar, također, nisi čuo za Allahove riječi: 'Ljudima nije dato da im se Allah obraća, osim putem Objave ili, pak, iza zastora ili putem slanja Svoga poslanika. On je Uzvišen i Mudar' (eš-Šura, 51)?' Zatim je nastavila: 'Ako bi neko tvrdio da je Allahov Poslanik, sallallahu alejhi ve sellem, skrio nešto od Allahove knjige, izrekao bi veliku laž protiv Allaha Uzvišenog, jer je Allah Uzvišeni kazao: 'Poslaniče, dostavi ono što ti se od Gospodara tvoga objavljuje, a ako to ne učiniš, ta nisi tada ispunio Njegovu poslanicu!' (el-Maida, 67). I, na koncu, ko ustvrdi da on kazuje šta će se sutra zbiti, zasigurno i on iznosi veliku laž protiv Allaha Uzvišenog, jer Allah Uzvišeni je kazao: 'Kaži, niko na nebesima ni na Zemlji nema znanje o skrivenom, osim Allaha' (en-Neml, 65).'"

[Vjerodostojan] [Muttefekun alejh]

Pripovijedao je poznati tabiin Mesruk da je bio naslonjen kod majke vjernika Aiše, radijallahu anha, pa je ona kazala: "Svako ko bi raspravljaо makar i o jednom od tri sljedeća pitanja, izrekao bi veliku laž protiv Allaha. 'Koja su to pitanja?', zaintresiraše se on. 'Ako bi neko ustvrdio da je Muhammed, sallallahu alejhi ve sellem, video Allaha Uzvišenog izrekao bi protiv Allaha veliku laž.' Bijah naslonjen te se uspravih i priupitah je: 'Majko vjernika, objasni mi polahko i ne žuri! Zar Allah Uzvišeni, nije kazao: 'On ga je na obzoru jasnom video' (et-Tekvir, 23), i kazao je: 'On ga je i drugi put video' (en-Nedžm, 13)!?' Aiša je kazala: 'Ja sam prva osoba ovog umeta koja je o tome pitala Allahovog Poslanika, i on mi je odgovorio: 'To je doista Džibril, koga ja nisam, u njegovom prirodnom obliku, video više od ta dva puta. Video sam ga dok se spuštao s nebesa, ispunjavajući svojom veličinom prostor između nebesa i

Zemlje.'" Aiša ga je obavijestila da je ona prva osoba ovog umeta koja je o tome pitala Allahova Poslanika, i on joj je odgovorio da je video Džibrila, alejhis-selam, koga on nije, u njegovoj naravnoj formi u kojoj ga je Allah stvorio, video više od ta dva puta. Video ga je jednom na Zemlji na strani izlaska sunca, gdje se sve jasno vidi, a drugi put u najvišem dijelu dženneta. Video ga je kako se spušta s nebesa, a njegova veličina ispunjava prostor između nebesa i Zemlje. Potom je, kao dokaz, spomenula ajet koji govori o tome da Poslanik, sallallahu alejhi ve sellem, nije video Allaha. "Potom je rekla", veli Mesruk, "'Zar nisi čuo za Allahove riječi: 'Pogledi do Njega ne mogu doprijeti a On do pogleda dopire; On je milostiv i upućen u sve' (el-En'am, 103). Zar, također, nisi čuo za Allahove riječi: 'Ljudima nije dato da im se Allah obraća, osim putem Objave ili, pak, iza zastora ili putem slanja Svoga poslanika. On je Uzvišen i Mudar' (eš-Šura, 51)?' Zatim je nastavila: 'Ako bi neko tvrdio da je Allahov Poslanik, sallallahu alejhi ve sellem, skrio nešto od Allahove knjige, izrekao bi veliku laž protiv Allaha Uzvišenog, jer je Allah Uzvišeni kazao: 'Poslaniče, dostavi ono što ti se od Gospodara tvoga objavljuje, a ako to ne učiniš, ta nisi tada ispunio Njegovu poslanicu!' (el-Maida, 67). I, na koncu, ko ustvrdi da on kazuje šta će se sutra zbiti, zasigurno i on iznosi veliku laž protiv Allaha Uzvišenog, jer Allah Uzvišeni je kazao: 'Kaži, niko na nebesima ni na Zemlji nema znanje o skrivenom, osim Allaha' (en-Neml, 65).'"

<https://sunnah.global/hadeeth/bs/show/10420>

النّجّات الخيرية
ALNAJAT CHARITY

